

Lokaskýrsla: HiDef Textíll: Tæknivæddar prjónavélar

Elías Lúðvíksson, Guðrún Ísafold Hilmarsdóttir
og Snæfríður Ebba Ásgeirsdóttir

26. september 2024

Útdráttur

HiDef Textíll: Tæknivæddar prjónavélar verkefnið snýst um að sameina hefðbundna textílvinnslu og nútímatækni með nýsköpun í gömlum prjónavélum frá 10. áratugnum. Með því að snjallvæða úrelda prjónavél með netsamskiptum og fjálsum hugbúnaði verður til tól sem hentar skapandi starfi nútímans, en jafnframt stuðlar að sjálfbærni. Verkefnið er þverfaglegt og felur í sér þátttöku nemenda úr vélaverkfræði, hagnýttri stærðfræði og fatahönnun, sem fá tækifæri til að vinna saman að þróun tækjalausna, verkefnastjórnun og frumgerðasmíði. Markmiðið var að hanna starfshæfa prjónavél sem hægt verður að kynna á ráðstefnum eins og Hönnunarmars og UTmessunni. Verkefnið stuðlar að aukinni þátttöku í STEAM menntun, þar sem listir og tækni mætast á nýstárlegan hátt, og varðveisir um leið menningarárf í nútímasamhengi. Við verðum einnig á Vísindavöku Rannís 28. september nk. að kynna verkefnið fyrir almenningi, þar sem við notum vélina til að sýna samstarf háskólanna í virku sambandi við atvinnulífið.

Efnisyfirlit

1	Lýsing á verkefninu	3
1.1	Markmið	3
1.2	Staða þekkingar	3
1.2.1	Samanburður við nútíma prjónavélar	5
1.2.2	Ný viðbót við þekkingu	5
1.3	Staða verkefnis	5
2	Nýnæmi	6
2.1	Staða markaðar	6
2.2	Áskoranir	6
2.2.1	Vélrænar áskoranir	6
2.2.2	Hugbúnaðarlegar áskoranir	6
2.2.3	Prjónaáskoranir	7
2.3	Afleidd tækifæri	7
2.4	Hugverkastefna	7


3 Skipulag og stjórnun	8
3.1 Stjórnun	8
3.1.1 Nemendur	8
3.1.2 Kennarar	8
3.2 Samstarf	9
3.2.1 Pjóðminjasafn Íslands og Heimilisiðnaðarfélagið	9
3.2.2 Marel	9
3.2.3 Ístex	9
3.2.4 Textílmiðstöð Íslands	9
3.2.5 Ýr Jóhannsdóttur	9
3.2.6 Owen Mace	9
3.3 Kostnaður og fjármögnun	9
4 Verðmæti	10
4.1 Viðskiptaleg markmið	10
4.2 Leið á markað	10
4.3 Almenn verðmætasköpun	10
5 Framkvæmd verkefnisins	11
5.1 Tímalína verkefnisins	12
5.1.1 Daglegt stand-up	12
5.1.2 Mánaðarlegt yfirlit	12
5.2 Helstu áfangar	14
6 Aðferðafræði	15
6.1 Breytingar á vélbúnaði	15
6.1.1 Nálarbeð	15
6.1.2 Sleði/lás	16
6.1.3 Litaskiptir	16
6.1.4 Mótör	16
6.2 Stýringar	16
6.2.1 Stýring nálarbeðs	16
6.2.2 Stýring á mótor	20
6.2.3 Kóði	21
6.3 Sjálfvirk mynsturgerð	22
6.3.1 Mynstur unnin til að senda á vél	22
6.3.2 Íslenska Sjónabókin nýtt í mynsturgerð	23
6.3.3 Ókláruð verkefni	25
6.4 Prjón- og hönnunarvinna	25
6.4.1 Hlutverk fatahönnuðar	25
6.4.2 Hönnunarhugsun	25
6.4.3 Prjón með mörgum litum	27
6.4.4 Áskoranir og betrumbætur í prjóni	27
6.4.5 Ferlið sem lærðómstól	27
6.4.6 Sjálfbærar lausnir og framtíðarfatnaður	27
6.4.7 Menningararfur og tenging við fortíðina	27
A Undirskriftir	31

1 Lýsing á verkefninu

1.1 Markmið

Markmið verkefnisins *HiDef Textíll: Tækni-væddar prjónavélar* er að þróa sjálfbæra og hagkvæma lausn fyrir minni hönnuði með því að uppfæra úreltar prjónavélar frá 10. áratugnum með nútímatækni, nánar tiltekið *Passap Electronic 6000* oftast kallað *Passap E6000* (sjá mynd 1). Verkefnið miðar að því að snjallvæða þessar vélar með netsamskiptum, frjálsum hugbúnaði og þróa nýtt notendaviðmót sem gerir vélarnar aðgengilegar nútímanotendum. Með því að sameina hefðbundna textílframleiðslu, sjálfbærni og nýsköpun er markmiðið að búa til tól sem hentar bæði minni hönnuðum og kennslu í STEAM greinum. Verkefnið stuðlar einnig að varðveislu menningararfars með því að færa sérlensk textílmynstur úr *Sjónabók* yfir í stafrænt, gagnvirkta form.


Við vildum einnig skrásetja ferlið gaumgæfilega til að veita nemendum innssýn í hvernig þverfaglegt samstarfsverkefni á sér stað og tengja verkefnið við kennsluskrá *Háskóla Íslands* og *Listaháskóla Íslands*. Með þessu er markmiðið að auðvelda nemendum skilning á því hvernig nýsköpun, tækni og listir geta unnið saman í fræðsluumhverfi og þverfaglegu samstarfi.



Mynd 1: PASSAP E6000

1.2 Staða þekkingar

Á alþjóðavísu hafa ýmsir hakkarar og „hackerspace” unnið með gömlum prjónavélum og endurhugsáð þær með nútímatækni. Dæmi um slíkt er *KnitterStream* [1], sem var listagjörningur á C2-MTL rádstefnunni í Montréal, Kanada árið 2012 þar sem gömul rafknúin prjónavél var notuð til að umbreyta tíustum á Twitter í refil (sjá mynd 2). *KnitterStream* tengdi saman gögn og prjónaframleiðslu í rauntíma og sýndi hvernig hægt væri að samþætta stafrænar upplýsingar við textílframleiðslu á skapandi hátt. Þetta verkefni var þó meira hugsað sem einnota listaverk en kennslutæki eða framleiðslulausn fyrir minni hönnuði.




Mynd 2: Svipmyndir af KnitterStream á C2-MTL ráðstefnunni 2012


Einnig hafa verið unnin verkefni eins og endurbygging á *Passap E6000* prjónavélinni af Backspace, Hackerspace í Bamberg, Pýskalandi [2]. Þar var lögð áhersla á að snjallvæða eldri prjónavél með því að koma á tengingu við nútíma hugbúnað. Irene Wolf hefur einnig þýtt og skráð hluta af þessum breytingum á ensku [9], en þrátt fyrir að þessi þekking sé aðgengileg almenningi, er ferlið enn frekar óljóst og þarfnaðist ítarlegri leiðbeiningar svo nýgræðingar gætu fylgt þeim eftir.

Þrátt fyrir þessi verkefni hefur skortur verið á lausnum sem einblína á kennslufræðilegt ferli eða aðgengi fyrir byrjendur sem hafa ekki mikla reynslu af vél- eða hugbúnaðargerð. Markmið okkar var að fylla þetta skarð með því að gera ferlið aðgengilegra og notendavenna fyrir þá sem vilja nota þessar vélar, en hafa ekki djúpa tæknilega þekkingu. Verkefnið einblínir á hvernig hægt er að nýta gömlu prjónavélarnar með nútíma hugbúnaði og bjóða upp á heildarlausn sem tengir saman vél- og hugbúnað á einfaldan og skýran hátt.

Okkur var einnig kært að nota séríslensk mótfí í okkar útprjóni. Við sóttum því eftir samstarfi við *Heimilisiðnaðarfélagið* og *Þjóðminjasafn Íslands*, sem gáfu út tímamótaverkið *Íslensk Sjónabók* [7], sem inniheldur safn tíu handrita frá 16.-18. öld sem varðveitt hafa íslensk útsaumsmynstur. Því miður er þessi bók komin úr prentun og ekki stendur til að endurprenta hana sökum kostnaðar. Markmið útgefanda var að gera mynstrin aðgengileg svo hönnuðir gætu endurnýtt okkar ríka menningararf í listsköpun sinni. Peir tóku því vel í að við myndum veita þessum mynstrum nýtt líf og útbúa tól til að hægt væri að vinna með mynstrin á gagnvirkan hátt.



Mynd 3: Íslensk Sjónabók



Mynd 4: Kniterate

1.2.1 Samanburður við nútíma prjónavélar

Pað eru til nútíma prjónavélar eins og *Kniterate*, sem eru hannaðar sérstaklega fyrir minni hönnuði og smærri framleiðendur [8]. Slíkar vélar kosta þó yfir 16.000 evrur og eru tiltölulega flóknar í notkun að mati innlendra notenda. Eldri prjónavélar eins og *Passap* sem við vinnum með, eru tiltölulega einfaldar í notkun, en skortir nútíma tengingar og notendavænt viðmótt. Með því að snjallvæða þessar vélar og þróa hugbúnað sem gerir þær samhæfðar við nútíma framleiðsluaðferðir, getum við boðið upp á hagkvæmari og aðgengilegri lausn fyrir minni hönnuði, þar sem tæknilegt flækjustig er mun lægra.

1.2.2 Ný viðbót við þekkingu

Verkefnið okkar bætir við núverandi þekkingu með því að skrásetja ferlið gaumgæfilega og þróa lausn sem gerir byrjendum kleift að nýta eldri vélar með nútíma tækni. Með áherslu á kennslufræðilegt ferli og einfaldleika er markmiðið að tengja lausnina við námskrár Háskóla Íslands og Listaháskóla Íslands, svo nemendur úr ólíkum fræðasviðum geti lært af þverfaglegu samstarfi. Þetta gefur tækifæri til að búa til hönnunarferli sem tengir saman arfleifð og nýsköpun á sjálfbærar hátt, á skala sem hentar smærri hönnuðum og framleiðendum. Aðferðafræðin er útlistuð í kafla 6.

1.3 Staða verkefnis

Verkefnið snýst um endurbætur á svissneskum prjónavélum frá 10. áratuginum, en framleiðsla þeirra hætti um aldamótin þegar *Passap* fór á hausinn. Þar af leiðandi eru nýir varahlutir nánast ófáanlegir nema með því að leita að notuðum vélum og nýta hluti úr þeim sem eru enn í lagi. Prátt fyrir að framleiðslan hafi stöðvast, eru vélarnar vel gerðar og enn í notkun af áhugafólki. Pað eru virk net-samfélög sem einblíma á slíkar vélar, eins og Facebook grúppur og [Machine Knit Community](#). Auk þess eru til þónokkrar YouTube rásir sem bjóða upp á leiðbeiningar og stuðning við þessa vélar.

Forkönnun á tæknilegum og markaðslegum þáttum hefur sýnt að þörf er á hagkvæmum lausnum fyrir minni hönnuði sem vilja nýta þessar vélar, en þar sem fyrirtækið er haett, er engin áframhaldandi þróun á þessum vélum til staðar. Verkefnið okkar miðar því að því að snjallvæða þessar vélar og tryggja að hægt sé að nýta þær á nýjan hátt með nútíma tækni og þannig auka sjálfbærni og minnka óþarfum sóun. Með því að bæta við stafrænu viðmóti og tengingu við nútíma hugbúnað, getum við komið þessum vélum í notkun sem hagkvæmari valkost fyrir smærri hönnuði og kennsluumhverfi.

2 Nýnæmi

2.1 Staða markaðar

Væntanlegur markhópur fyrir afurðina nær til minni hönnuða, listamanna, hönnunarnema og menntastofnana sem leita að hagkvæmum og sveigjanlegum lausnum til að skapa og framleiða textílvörur á sjálfbærar hátt. Markaðurinn hefur þróast í átt að sérsviðinni framleiðslu og sjálfbærni, en margar af þeim lausnum sem eru í boði, eins og *Kniterate*, eru mjög dýrar og því ekki raunhæfur kostur fyrir smærri aðila. *Kniterate*, sem er nútíma prjónavél hönnuð fyrir minni hönnuði, kostar um 16.000 evrur og hefur margra mánaða biðlista. Þrátt fyrir að *Kniterate* bjóði upp á háþróaða tækni, er notkun hennar tæknilega flókin og því ekki aðgengileg fyrir alla.

Afurðin okkar aðgreinir sig með því að bjóða upp á hagkvæma og aðgengilega lausn sem nýtir eldri prjónavélar sem eru enn í góðu ástandi, en krefjast uppfærslu til að mæta nútímakröfum. Þar sem markmiðið er að snjallvæða þessar vélar og þróa notendavænt viðmót ásamt tengingu við nútíma hugbúnað, verður lausnin aðgengileg fyrir þá sem hafa ekki djúpa tæknilega þekkingu. Þetta skapar tækifæri fyrir smærri hönnuði og menntastofnanir til að vinna með tæki sem eru á mun lægra verði en nýrri iðnaðartæki, án þess að fórnar sveigjanleika og gæðum.

Að auki stuðlar afurðin að sjálfbærni með því að nýta eldri tæki sem annars væru ónothæf eða á leið í landfyllingu. Með því að gera þessar vélar aðgengilegar á ný, er hægt að draga úr sóun og stuðla að hringrásarhagkerfi þar sem endurnýting er í forgrunni. Lausnin er því bæði hagkvæm og umhverfisvæn og styrkir sjálfbæra þróun innan textíl- og hönnunargeirans.

2.2 Áskoranir

2.2.1 Vélrænar áskoranir

Vélrænar áskoranir fólust í því að nýta raflagnir eldri vélarinnar og bæta við spennubreytum til að tengja Arduino örtölvu við vélina. Örtölvan þarf að stilla seglastöðu prjónalássins, sem stjórnar nálarhreyfingum vélarinnar. Einnig var áskorun að tengja viðbættan mótor þannig að samskipti milli mótors, örtölvu og notenda færur rétt fram. Nákvæmni er lykilatriði til að tryggja hnökralaust prjónaferli.

2.2.2 Hugbúnaðarlegar áskoranir

Hugbúnaðarlegar áskoranir fólust í þróun á sjálfvirkni fyrir prjónamynstur. Upphaflega var stefnt að því að nota spunagreind til að búa til ný prjónamynstur með tækni eins og [Dall-E 2](#) og [Midjourney](#), en það reyndist erfitt að fá áreiðanlegar niðurstöður sem fylgdu nákvæmlega okkar textaskilaboðum. Við vildum tryggja fallegt flæði milli ólíkra mynstra

og skoðuðum því tækni úr tölvuleikjagerð, eins og Wave Function Collapse (WFC), sem býr til flæðandi grunnmynd eftir fyrirfram gefinni forskrift. Þessi tækni reyndist þó ekki henta okkar þörfum, og við ákváðum að þróa einfaldara módel til að bæta saman mynstrum frá ólíkum notendum með góðu flæði á milli þeirra.

2.2.3 Prjónaáskoranir

Prjónaáskoranir tengdust notkun innlends efniviðar. Við fengum einband á kónum frá Ístex til að nota í verkefnið, en einband er frekar gróft garn sem hentar almennt ekki vel fyrir prjónavélar. Til að mynda er ekki hægt að nota einband í *Kniterate* prjónavélar án þess að það slitni í tíma og ótíma. Við prufuðum mismunandi prjónaáferðir til að finna lausn sem hentar íslensku einbandi og náðum ágætum árangri í því eftir sumarið.

Rétt spenna á garni reyndist einnig áskorun, þar sem spennugjafinn var orðinn misilla farinn fyrir ólíka garnleiðara. Þetta olli því að spennan var ójafnari, sem gat valdið vanda-málum við prjónun. Einnig mynduðust stundum langir spottar á jaðri prjónastykkisins, sem tengdist spennu garnsins og því hversu langt prjónalásinn ferðast umfram það sem er prjónað. Með frekari reynslu af vélinni og tilkomu mótorvirkni, sem gerir jafnara átak á prjónið, hefur þetta batnað til muna.

2.3 Afleidd tækifæri

Verkefnið býður upp á fjölbreytt afleidd tækifæri, bæði fyrir hönnuði og menntastofnanir. Með því að gera eldri prjónavélar aðgengilegar og uppfæra þær með nútímatækni, eru nýir hönnuðir valdefldir til að nýta þessar vélar sem hagkvæm vinnutól í sinni sköpun. Þetta skapar aukin tækifæri fyrir sjálfstæða hönnuði og smærri framleiðendur sem vilja vinna með sjálfbærar lausnir.

Að auki geta grafískir hönnuðir nýtt munsturgerð okkar úr *Sjónabók*, sem er ekki einskorðuð við prjónaskap. Mynstrin bjóða upp á margvíslega notkunarmöguleika í skapandi störfum, hvort sem það er í textílvinnu eða öðrum miðlum. Með því að færa þessi séríslensku mynstur yfir í gagnvirk stafrænt form, opnast dyr fyrir fleiri skapandi útfærslur á þessum menningarárfi.

Verkefnið býður einnig upp á möguleika á þróun nýs kennsluefnis sem getur aukið áhuga á STEAM¹ námi. Með því að tengja listir og tækni á skemmtilegan og aðgengilegan hátt í kennsluumhverfi, má vekja áhuga nýrra kynslóða á þverfaglegum lausnum og nýsköpun. Þetta kennsluefni getur nýst bæði í framhaldsskólam og á háskólastigi, þar sem áhersla er lögð á samspil skapandi hugsunar, tækni og sjálfbærni.

2.4 Hugverkastefna

Verkefnið byggir á *Free and Open Source Software* (FOSS) hugmyndafræðinni, þar sem allur hugbúnaður, tækni og aðferðir verða opnar og aðgengilegar fyrir almenning. Markmiðið er að stuðla að aukinni dreifingu og aðgengi að þeim lausnum sem þróaðar eru í verkefni, þannig að sem flestir geti nýtt sér þær til frekari þróunar eða nýsköpunar.

Við höfum leyfi frá Heimilisiðnaðarfélaginu og Þjóðminjasafni Íslands til að dreifa mynstrum úr *Sjónabók* á stafrænu formi.

Sem rannsóknarverkefni á vegum Háskóla Íslands er allt efni og niðurstöður verkefnisins aðgengilegt í gegnum heimasíðu verkefnisins undir léni háskólans, <https://textill.>

¹STEAM: Science, Technology, Engineering, Arts, and Mathematics.

hi.is (vefur er ekki tilbúinn, verður opnaður fyrir nk. Hönnunarmars). Þar munu bæði kennsluefni og hugbúnaðarlausnir verða tiltækar fyrir almenning til frjálsrar notkunar og þróunar og er markmiðið að efla opið samfélag og samstarf í kringum lausnir verkefnisins.

3 Skipulag og stjórnun

3.1 Stjórnun

Verkefninu var stýrt af kennurum við Háskóla Íslands og Listaháskóla Íslands, þar sem hver kennari hafði ábyrgðarsvið sem tengist þeirra sérvíðum. Verkefnisstjóri og ábyrgðaráðili er Helga Ingimundardóttir, lektor í iðnaðarverkfræði við Háskóla Íslands. Verkefnið er hluti af rannsóknarverkefni Helgu við háskólann. Verkaskipting innan teymisins er eftirfarandi:

3.1.1 Nemendur

Nemendur unnu að mestu sjálfstætt, en höfðu greitt aðgengi að kennurum yfir sumarið. Hvert og eitt þeirra bar ábyrgð á útfærslu síns verkþáttss:

Elías Lúðvíksson nýútskrifaður grunnnemi í vélaverkfræði við HÍ, sá um vélrænan hluta verkefnisins, þar á meðal breytingar á prjónavélinni, tengingu við mótor og samskipti við örtölvu.

Guðrún Ísafold Hilmarsdóttir nýútskrifaður grunnnemi í fatahönnun við Listaháskóla Íslands, sá um hönnunarvinnu, val á áferð og prjónaskap með íslensku einbandi.

Snæfríður Ebba Ásgeirsdóttir grunnnemi í hagnýttri stærðfræði og tölvunarfræði við HÍ, vann að þróun spunagreindar reiknirita og að stafræna mynstur Sjónarbókar.

3.1.2 Kennarar

Hafliði Ásgeirsson tæknimaður í frumgerðarsmiðju HÍ, veitti Elíasi leiðsögn við vélrænar breytingar og þróun frumgerðar.

Hafsteinn Einarsson dósent í tölvunarfræði við HÍ, aðstoðaði Snæfríði við þróun spunagreindar reiknirita og tengdra hugbúnaðarlausna.

Helga Ingimundardóttir lektor í iðnaðarverkfræði við HÍ, er verkefnastjóri og ábyrgðaráðili. Hún hafði yfirumsjón með verkefninu og tryggði að það fylgdi rannsóknaráætlun.

Hörður Mar Tómasson stundakennari við rafmagns- og tölvunarverkfræðideild HÍ, veitti Elíasi aðstoð við breytingar á raflögnum og tengingu við örtölvur.

Ragna Bjarnadóttir lektor í fatahönnun LHÍ, veitti Guðrúnu Ísafold stuðning við textíl- og hönnunarvinnu í verkefninu.

Stjórnskipulagið tryggir að verkefnið sé unnið á þverfaglegan hátt þar sem hver þáttakandi hefur skýra ábyrgð sem tengist þeirra sérþekkingu. Verkefnið nýtti sér hæfileika bæði kennara og nemenda til að ná fram markmiðum sínum.

3.2 Samstarf

Verkefnið er þverfaglegt samstarfsverkefni þar sem ólíkir aðilar, bæði innanlands og erlendis, koma að því með mismunandi sérþekkingu og aðföng. Samstarfið hefur reynst lykilþáttur í því að tryggja framgang verkefnisins og skapa tækifæri til nýsköpunar.

3.2.1 Þjóðminjasafn Íslands og Heimilisiðnaðarfélagið

Þjóðminjasafn Íslands og Heimilisiðnaðarfélagið veittu okkur leyfi til að vinna með mynstur úr *Sjónabók* og deila þeim stafrænt með almenningi. Markmiðið er að auka útbreiðslu þessara séríslensku mynstra og gera þau aðgengileg hönnuðum og almenningi til nýsköpunar og skapandi nota.

3.2.2 Marel

Marel veitti tæknilega ráðgjöf með breytingar á prjónavélinni. Fyrirtækið vill efla samstarf við háskóla og sa tækifæri í verkefni sem eflir hringrásarhagkerfi. Þetta samstarf stuðlar að tengingu milli iðnaðar og akademíu.

3.2.3 Ístex

Við fengum garn frá Ístex, sem tryggði að við værum að stuðla að hringrásarhagkerfi með því að nýta innlendant efnið. Þetta stuðlar að sjálfbærri þróun þar sem garn úr íslenskri ull er notað í stað innfluttra efna.

3.2.4 Textílmiðstöð Íslands

Textílmiðstöð Íslands bauð okkur í heimsókn á Blönduós, þar sem við fengum að sjá *Kniterate* vél í notkun og kynntum okkur stafrænni textílsmiðju á Íslandi. Einnig fengum við innsýn í ástand eldri prjónavéla, þar sem stofnunin hefur tekið við mörgum úreltum vélum frá dánarbúum, þar sem erfingjar vita oft ekki hvað má gera við þessar vélar.

3.2.5 Ýr Jóhannsdóttur

Við heimsóttum íslenskan prjónahönnuð, Ýr Jóhannsdóttur, sem deildi með okkur reynslu sinni af bæði *Kniterate* og *Passap* vélum. Hún hafði áður unnið á *Passap* vélum áður en hún fékk loksns *Kniterate* vél fyrr á árinu. Þetta samtal veitti okkur gagnlegar upplýsingar um hvernig best væri að aðlaga okkar lausnir fyrir prjónahönnuði.

3.2.6 Owen Mace

Við vorum einnig í reglulegu sambandi við Owen Mace, rafmagnsverkfræðing frá Ástralíu, sem hefur unnið að opnum hugbúnaði fyrir *Passap* prjónavélar. Ráðgjöf hans hefur hjálpað okkur að villugreina samskipti við vélbúnaðinn.

3.3 Kostnaður og fjármögnun

Verkefnið var styrkt með 9 mannmánuðum af Nýsköpunarsjóði námsmanna til að greiða sumarlaun nemenda sem tóku þátt í verkefninu. Öll önnur vinna var hluti af starfi akademískra starfsmanna, kostuð af samstarfsaðilum eða unnin í sjálfboðavinnum.

Kostnaður við breytingar á vélinni og uppsetningu á heimasíðu var greiddur af rannsóknarsjóði Háskóla Íslands sem hluti af rannsóknarverkefni Helgu Ingimundardóttur, *HiDef Textíll: Bestun á textílferlum með gervigreind*. Ístex styrki okkur með íslensku einbandi.

4 Verðmæti

4.1 Viðskiptaleg markmið

Verkefnið miðar að því að stuðla að opnu aðgengi og valdeflingu nýrra hönnuða með því að bjóða upp á opnar lausnir fyrir *Passap* prjónavélar og útbreiðslu mynstra úr *Sjónabók*. Við viljum gera *Passap* prjónavélar að aðgengilegum vinnutækjum fyrir hönnuði sem geta nýtt þær í sköpun sína án þess að þurfa að leggja í of háan startkostnað. Einnig viljum við styðja við útbreiðslu mynstra úr *Sjónabók* með því að gera þau aðgengileg á stafrænu formi fyrir almenning.

Varan sjálf er í raun kennsluefni og þekkingin sem hefur safnast í verkefninu, sem sýnir hvernig hægt er að vinna með þverfaglegt samstarf innan háskólasamfélagsins og innlend fyrirtæki. Verkefnið leggur áherslu á að skapa verðmæti með því að stuðla að fræðslu og hagnýtum lausnum fyrir hönnuði og menntastofnanir, frekar en að stefna að hefðbundnum markaðshlutdeild og veltu.

4.2 Leið á markað

Til að auka útbreiðslu og kynna verkefnið fyrir breiðum hópi, höfum við nú þegar kynnt það fyrir [Machine Knit Community](#), alþjóðlegum hópi notenda prjónavéla, sem hefur leitt til áhuga og beiðna um frekari upplýsingar. Við höldum einnig úti Instagram síðu, [@hidetextiles](#), þar sem við deilum uppfærslum um verkefnið með fylgjendum okkar, bæði innlendum og erlendum. Við fengum stutta umfjöllun hjá Morgunblaðinu í upphafi sumars [6].

Áætlunin er að kynna verkefnið á innlendum ráðstefnum og viðburðum, svo sem á Vísindavöku Rannís (28. september nk.) og á Hönnunarmars 2025. Auk þess höfum við fengið vilyrði frá Hönnunarsafni Íslands um að halda opna vinnustofu fyrir sumarið 2025, þar sem almenningur getur kynnt sér verkefnið og möguleikana sem það býður upp á.

4.3 Almenn verðmætasköpun

Niðurstöður verkefnisins geta stuðlað að aukinni verðmætasköpun á Íslandi með því að stuðla að sjálfbærni, varðveislu menningararf og valdeflingu minni hönnuða. Með því að bjóða upp á opnar lausnir fyrir snjallvæðingu eldri prjónavéla eins og *Passap*, skapast tækifæri fyrir smærri hönnuði til að nýta þessar vélar á hagkvæman hátt í sinni framleiðslu. Þetta gerir nýsköpun innan textíliðnaðarins aðgengilegri og lækkar þróskuldinn fyrir þá sem vilja þróa sín eigin vöru á hagkvæman hátt.

Verkefnið styður við sjálfbæra þróun með því að leggja áherslu á endurnýtingu eldri véla og innlends efniviðar eins og íslenskrar ullar. Í stað þess að henda úreltri tækni, snýst verkefnið um að snjallvæða þessi tæki og koma þeim aftur í notkun. Þetta stuðlar að hringrásarhagkerfi þar sem verðmæti er skapað úr því sem annars gæti farið til spillis.

Að auki bætir verkefnið við íslenskan menningararf með því að gera mynstur úr *Sjónabók* aðgengileg í stafrænu formi. Þessi séríslensku mynstur geta nýst í fjölbreyttum skap-

andi verkefnum, bæði innanlands og utan. Með því að opna fyrir notkun þessara mynstra styður verkefnið við varðveislu íslenskrar arfleifðar og gerir hana að hluta af samtíma-hönnun.

Verkefnið getur einnig haft jákvæð áhrif á menntun og nýsköpun með því að tengja listir, tækni og menningararf. Með því að þróa kennsluefni sem tengir saman STEAM greinar, stuðlum við að aukinni vitund og áhuga á þverfaglegri nýsköpun. Þetta getur efti samstarf innan menntastofnana og skapað tækifæri fyrir nýsköpun sem byggir á bæði tækni og sköpunargáfu.


Pannig er verðmætasköpunin sem verkefnið stuðlar að ekki bundin við tekjur af einstaka afurðum, heldur við fjölbættan stuðning við sjálfbærni, nýsköpun, menntun og varðveislu íslenskrar menningararfleifðar.

5 Framkvæmd verkefnisins

Hér er farið yfir hvernig verkefnið var framkvæmt, með áherslu á þrepaskiptingu, helstu áfangi og tímalínu. Verkefnið var skipt í nokkur lykilþrep, þar sem hverjum áfangi var stýrt af ákveðnum ábyrgðaraðilum. Prjónavélin var til húsa í vélaskála VR-III (sjá mynd 5) við Hjarðarhaga 2 í Reykjavík. Nemendur höfðu einnig aðgang að Sprotamýri, frumkvöðlasetri HÍ í Grósku.



Mynd 5: Verkefnið var unnið í vélaskála VR-III.



Mynd 6: Þáttaka í tímaóháðu stand-up með *GeekBot*

5.1 Tímalína verkefnisins

5.1.1 Daglegt stand-up

Unnið var í verkefninu frá maí til miðjan ágúst þegar kennsla hófst á ný. Til að halda utan um tímalínu verkefnisins var notað *GeekBot* á *Teams* svæði þáttakenda verkefnisins. Á hverjum virkum degi fengu nemendur fjórar spurningar til að svara, sem voru:

1. Slembin spurning til að nemendur kynnast hvort öðru – svokallaðir „icebreakers”
2. Hvað hefur þú gert síðan síðast? en kerfið gaf þeim upp síðasta svar sem þau gáfu við lið 3.
3. Hvað ætlar þú að gera í dag?
4. Þarftu hjálp við eitthvað?

Pannig gátu kennarar fylgst með framgangi nemenda yfir sumarleyfistímabil, og viðeigandi sérfræðingur komið inn eftir þörfum. Mynd 6 sýnir stand-up svörun yfir sumarið, en stundum voru fundir gerðir í persónu í staðinn.

Kosturinn við að gera þetta á þennan máta er að við höfum eftir sumarið mælanlegt tímaplan fyrir hvað hver liður tók, og hvað voru helstu flöskuhálsar. Hlutir sem eiga til með að gleymast ef ekki er skrifað strax niður.

5.1.2 Mánaðarlegt yfirlit

Maí 2024: Forkönnun og undirbúningur.

Elías Fyrstu skref:

1. Las um virkni *Passap* vélanna, uppfærslur og mismunandi útgáfur sem voru gerðar.
2. Kynnti mér fyrri útfærslu af tengingu við vélbúnað og möguleika á stýringum.
3. Fræsa rafrás útfrá teikningum frá Bamberg [2] og ná stjórn á vélbúnaði í gegnum *Arduino*.
4. Setja upp javascript forrit sem tengist arudino með serialsamskiptum yfir usb tengi.

Guðrún Ísafold og Snæfríður Þrif og undirbúningur á vél.

Júní 2024: Sambærileg verkefni voru skoðuð til að fá hugmyndir, vélbúnaður var próf-
aður og byrjað var að skrifa kóða til að senda mynstur til vélarinnar.

Elías Setti upp bakenda sem tekur við beiðnum yfir netsamskipti og stýrir vélinni,
prufukeyrt og villugreint út mánuðinn. Grunnur af vefviðmóti til að stýra
vélinni.

Guðrún Ísafold Ýmsar prufur voru prjónaðar til þess að kynnast prjónavélunum.

Fyrst voru gerðar prufur úr handbókinni fyrir *Passap Duomatic 80* á þá vél en
seinna á *Passap Electronic 6000*. Báðar vélarnar virka svipað en sú síðari hefur
verið tengd við tölvu sem fylgir vélinni. Prufurnar heppnuðust misvel og í ljós
kom að þær eru ekki mjög notendavænar. Fylgt var kennslumyndböndum sem
aðgengileg eru á YouTube frá framleiðanda til þess að gera prufur á tölvunni
sem fylgdi *Passap E6000* en það kom oft upp **ERROR** og þurfti því að byrja upp
á nýtt. Samskonar verkefni voru skoðuð, hugmyndavinna var gerð í forritinu
Procreate. Heimsókn í Heimilisiðnaðarfélagið, Kidka, Textílsetrið á Blönduósi
og á vinnustofu Ýrar Jóhannsdóttur (Ýrúrarí) þar sem við fengum að skoða
Kniterate vélina hennar. Umsjá með Instagram aðganginum [@hideftextiles](#).

Snæfríður Sambærileg verkefni skoðuð fyrir hugmyndir. Lærði á vélina og hvernig
hún prjónar, skiptir um liti, prjónar mynstur o.fl. Prufugerðir og tengst vélinni
í fyrsta skipti. Byrjað að skrifa kóða sem vinnur mynstur til að senda á vélina.
Heimsóknir í Heimilisiðnaðarfélagið, prjónaverksmiðjuna Kidka, textílsetrið á
blönduósi og vinnustofuna hjá Ýrúrarí.

Júlí 2024: Mynstur voru færð yfir á tölvutækt form, kóði skrifaður til að vinna með
þau á ýmsan hátt, og prufugerðir á vélinni voru framkvæmdar þrátt fyrir tæknileg
vandamál.

Elías Lokasprettur:

1. Betrumbætti vefviðmót til að sýna stöðu vélarinnar í munstrinu.
2. 3D prentaði stykki sem vantaði til að halda garni.
3. Lærði hvernig þróun *Passap* vélanna og stýring þeirra á mótornum breytist
í gegnum tíðina.
4. Eftir ótal tilraunir náðum við að kveikja á mótornum.

Guðrún Ísafold Lærði nokkurn veginn á forritin sem Elli og Snæja bjuggu til. Við
heimsóttum Þjóðminjasafn Íslands og þar heillaðist ég af Ragnheið „yngri“
Jónsdóttur. Ég heimsótti Landsbókasafn Íslands og kynnti mér rannsóknar-
efni betur. Hélt áfram með hugmyndavinnu og prufur sem tengdust henni.
Fljótlega var mögulegt að prjóna myndir með kóðanum sem Snæja skrifaði og
völdum við Ragnheið til þess að vera fyrsta prjónaða myndin. Þá notuðum
við mynd sem máluð var af henni árið 1684 og er til sýnis á Þjóðminjasafninu.
Myndin er jafnan fyrirmýnd að myndinni á íslenska 5.000 krónu seðlinum og
ættu því flestir að kannast við hana. Leitað var leiða til þess að nota sjóna-
bókarmynstrin í prjóni í bland við myndir. Tímafrekt reyndist að prjóna á
vélinni því enn átti eftir að tengja mótor við vélina. Gekk illa að prjóna með
fjórum litum í fyrstu en með breyttu prjóni var vel hægt að prjóna með 4 litum.
Funduðum með Lilju, fyrrum starfsmanni Þjóðminjasafnsins sem fræddi okk-
ur um Íslensku sjónabókina og mikilvægi hennar. Áframhaldandi umsjá með

Instagram aðgangi verkefnisins. Vann að tillögum að fatnaði sem prjónaður er úr vélinni. Fengum meira einband frá Ístex til þess að prjóna með ásamt öðru garni sem hentaði ekki vel.

Snæfríður Sjónabókarmunstrum komið yfir á tölvutækt form. Kóði skrifaður sem vinnur með munstrin á ýmsan máta, bæta við borða, bæta við bakgrunni á myndir og skrifa texta. Kóði sem breytir myndum (jpg og png) í prjónamynstur skrifaður. Haldið áfram með prufugerðir sem var ansi tímafrekt þar sem mótorinn var ekki kominn í gang, lentum í ýmsum vandræðum með vélina og fundum út úr því hvernig er haegt að prjóna með 4 litum. Fórum í heimsókn á Þjóðminjasafnið fyrir innblástur og til að skoða hvernig íslensku munstrin voru notuð og tókum fund með Lilju starfsmanni Þjóðminjasafnsins sem upplýsti okkur meira um sjónabækurnar.

Ágúst 2024: Fleiri prufugerðir framkvæmdar, kóði fínpússaður, búinn til samskiptastaðall til að eiga við vélina, þar sem mynstur eru send á miðlægan gagnagrunn og lesin þaðan.

Elías Verkefni klárað:

1. Hannaði og fræsti út rafrás til að stýra móturnum.
2. Bjó til vefviðmót opið notendum sem getur tegið við teksta skipunum og búið til prjóna munztur af mynd byggða á tekstanum fyrir vélina.
3. Tengdi opna vefviðmótið við gagnagrunn
4. Bjó til útfærslu af stýringunni sem sækir munstur úr gagnagrunninum til að prjóna og stýrir móturnum.

Guðrún Ísafold Ég skoðaði leiðir til þess að fá sem besta útkomu mynda í prjóni. Ég notaði bæði forritið Procreate og Photoshop til þess og svo kóðann til þess að staðfesta niðurstöður áður en prjónað var. Fór á námskeið hjá Hafliða um þrívídþarþrentun, héldum áfram með prufur. Lærði enn betur á fínpússaðan kóða og aðlagaði tillögur að fatnaði að því sem nú þegar var búið að prjóna. Þetta gerði ég með því að útfæra hugmyndir sem nýttu prufurnar svo þær hefðu notagildi og verðmæti að geyma og myndu þá síður enda sem rusl. Gerði prufur til að gera stroff fyrir kraga. Áframhaldandi umsjá með Instagram aðgangi verkefnisins.

Snæfríður Enn fleiri prufur og kóði fínpússaður. Mynsturgerð með Wave function collapse reikniritinu útfærð og byrjað á að þróa aðferð til að lita sjónabókarmunstrin sjálfvirkt. Fór á námskeið hjá Hafliða um þrívídþarþrentun.

September 2024: Kynning verkefnisins. Fyrstu kynningar á verkefninu fóru fram á Vísindavöku Rannís, þar sem verkefnið var kynnt almenningi.

Allir Skýrslugerð og kynning á Vísindavöku.

5.2 Helstu áfangar

Stýring á seglum Við tengdum Arduino örtölvu við Passap E6000 þannig að hægt var að senda skilaboð á vélina um hvaða hjálpanálar ættu að fara í virka eða óvirka stöðu.



Mynd 7: *Passap E6000* prjónavél - mbl.is/Kristinn Magnússon

Tenging við mótor Við tengdum *Arduino* örtölvu við *Passap E6000* þannig að hægt var að ferja sleðann sjálfvirkt fram og aftur á prjónaborðinu með mótor.

Samskiptastaðall Við hönnuðum samskiptastaðal fyrir prjónavélina, þannig að mynstur frá notenda eru sett á miðlægan gagnagrunn, *Arduino* örtölvan les þaðan hvaða mynstur eru á bið og stýrir seglum og mótor eftir þeirri forskrift.

Stafræn Sjónabók Mynstur úr *Sjónabók* voru til á tölvutæku formi sem .eps myndir sem við myndgreindum svo hægt væri að þýða það yfir í handhægara textaform svo hægt væri að vinna með það áfram.

Einfalt hönnunarviðmót til að vinna með grunnmynstur *Sjónarbókar*, breyta litavali og eiga við einstaka pixla.

Prjónaprufur Tilraunir með íslenskt einband og mynstur voru lykilatriði til að tryggja að vélin gæti prjónað á áreiðanlegan hátt með innlendum efnivið.

Kynning verkefnisins Verkefnið verður kynnt fyrir breiðum hópi á Vísindavöku Rannís í lok september 2024 og munu frekari kynningar fara fram á Hönnunarmars 2025 og á vinnustofu í Hönnunarsafni Íslands næsta sumar.

6 AÐferðafræði

6.1 Breytingar á vélbúnaði

Vélbúnaður prjónavélarinn er í grófum dráttum: nálarbeðið, sleðinn/lásinn, litaskiptirinn og mótorinn.

6.1.1 Nálarbeð

- Braut sem sleðinn rennur eftir

- Nálastillara (e. pushers) sem eru undir nálunum í nálabeðinu og ýta nálunum í prjónastöðu. Þeir eru notaðir til að slökkva og kveikja á nálum fyrir hverja umferð, þ.e.a.s. setja nálar í óvirka eða virka stöðu.
- Nálarnar sem prjóna lykkjurnar ef þær eru í réttri stöðu þegar sleðinn fer yfir þær.
- Nálarnar á nálabeðinu eru merktar með númeri út frá miðju. 90 nálar til vinstri og 89 nálar til hægri frá miðjunni. 179 nálar í heildina.

6.1.2 Sleði/lás

- Tvo ljósaskynjara sem eru notaðir til að staðsetja sleðann á nálabeðinu.
- Tvo segla sem setja stöðu nálastillaranna fyrir næstu umferð.
- Braut sem fer með nálar í eftir tveimur mögulegum leiðum: i) upp og prjónar lykkju í garninu eða ii) niður og prjónar ekki lykkju.

6.1.3 Litaskiptir

- Geymir garn.
- Er með einskonar takka sem sleðinn virkjar þegar hann fer yfir og skilar garni. Þá er nýtt garn sett í virka stöðu og það tekið upp á bakaleiðinni.

6.1.4 Mótör



- Snýr belti sem hefur festingu fyrir sleðann.
- Festingin er með segul.
- Það eru þrír skynjarar á umgjörðinni sem inniheldur beltið sem skynja segulinn.

6.2 Stýringar

Hægt er að skipta vélbúnaðinum upp í tvö stýrikerfi. Annars vegar stýringin á mótornum sem færir sleða lásinn frá vinstri til hægri yfir nálabeðið. Hinsvegar stýringin á seglunum sem færa nálastillara á nálabeðinu upp og niður. Fyrir hvern nálastillir sem er stillt upp er lykkja prjónuð með garni fyrir þá nál í næstu umferð.


6.2.1 Stýring nálarbeðs

Upprunalega *Passap E6000* vélin er með stjórnbord (svokölluð *Form* tölva) sem er tengd með DIN-6 sníru við sleðann sem er læstur á nálabeðinu. Sleðinn er með rafrás sem hefur ljósskynjara sem skynja göt á brautinni sem sleðinn rennur eftir. Götin eru $2mm$ breið og það eru $3mm$ á milli gata. Hver nál er $5mm$. Mynd 8 er kerfismynd af kerfinu sem stýrir nálastillurunum á nálabeðinu. Upprunalega stjórnbordinu var skipt út fyrir *Arduino* með $12v$ spennubreyti sem er beintengdur við sleðann.



Mynd 9: Teikningar fyrir tengingu í gegnum DIN tengið (fengnar af vefsíðu Bamberg [2]).

Pinnar 2 og 4 taka við straum frá ljósaskynjurum sleðans. Pinnar 5 og 6 stýra stöðu seglana tveggja. Það er einn segull fyrir hvorra áttina. Sleðinn stillir munstur fyrir næstu umferð á meðan hann fer yfir nálarbeðið og prjónar munstrið sem er nú þegar á nálarbeðinu. Til að snúa við seglunum þarf að minnsta kosti 12v straum. Pinnarnir senda merki um það hvort straumnnum sé hleypt á seglanna eða ekki. *Arduino* er öflug örölva og hefur þann kost að hún er með hraða og skilvikra innri klukku. Örtölvan getur því einbeitt sér að taka við merkjum um stöðu ljósskynjaranna. Í hvert skipti sem




Mynd 10: *Arduino* örtölva tengd við DIN-6 tengi á *Passap E6000* - [mbl.is/Kristinn Magnússon](http://mbl.is/KristinnMagnússon)

staðan á ljósskynjaranum sem er tengdur í pinna númer 2 á *Arduino* borðinu breytist þá er staðan á hinum skoðuð, sjá myndir 9.

Það eru í raun tvö tilvik sem geta átt sér stað. Annaðhvort eru þeir í sömu stöðu eða í sitthvorri. Ef að aflestur ljósskynjara við breytingu á þeim sem er tendgur í pinna 2 er sú sama þá er við á leiðinni til hægri. Ef að þeir gefa sitthvort gildið þá erum við á leiðinni til vinstri. Örtölvan er því með innvortis teljara sem hækkar í gildi þegar aflesturinn er sá sami og lækkar þegar þeir gefa sitthvort gildið.

Nýja stýringin sem kemur í stað gamla stjórnborðsins hefur two meginliði örtölvuna og stýringin sem er keyrð á tölvu, sjá mynd 11.



Mynd 11: Kerfismynd af nýja stjórnborðið

1. *Arduino* örtölva

- Sér um samskipti við sleðann með tengingu í gegnum DIN-6 tengi. Fær þaðan lestar af ljósskynjurum og stjórн á seglum.
- Þegar skynjarinn sem er tengdur í pinna númer two breytir um gildi fer í gang truflun á kóðanum sem athugar um leið stöðuna á hinum ljósskynjaranum. Útfrá því fáum við út hvaða átt við erum að fara í.
 - Ef við fáum sitthvort gildið erum við að fara til vinstri. Teljari telur niður um einn.
 - Ef við fáum sama gildið erum við að fara til hægri. Teljari telur upp um einn.
- Út frá innri teljaranum vitum við nákvæma staðsetningu sleðans á nálarbeðinu, svo lengi sem hann er tekinn útaf nálarbeðinu og setur aftur inná í hvert skipti sem örtölvan er endurræst/endurtengd.
- Örtölvan er skrifuð í C++ og hefur vigur með lengdina 179, eitt gildi fyrir hverja nál af nálarbeðinu. Það eru tvær aðrar breytur sem sjá um munstrin. Það er upphafs punktur og lengd munsturs. Grunngildin fyrir þau eru -10 og 10.
- Skilaboðin sem að *Arduino* örtölvan sendir frá sér eru tvennskonar.
 - Ef að sleðin er vinstra megin við upphafspunktinn, teljari hefur gildi minna en upphafspunktgildið. Þá er strengurinn L sendur yfir serial samskipti.
 - Ef að sleðin er hægra megin við punktinn sem er í fjarlægð lengd munstursins frá upphafspunktinnum, teljarinn hefur gildi sem er hæðra en upphafspunktagildið lagt saman við lengd munstursins. Þá er strengurinn R sendur yfir serial samskipti.
- Þegar engin truflun á sér stað í keyrslu *Arduino* örtölvunar þá ítrar hún fall sem athugar hvort einhver skilaboð hafi komið inn yfir serial tengi. Ef þau hafa komið inn, eru á strengjaformi sem hefur fleiri ein 3 stök þá er hann lesin sem staðlaður munsturs strengur. Þeir eru á forminu formerki serm er plús eða mínus. Síðan eru tveir tölustafir sem geta tekið gildi frá 01 upp í 90. Þá loks kemur upp munstrið sem á að prjóna næstu umferð. Strengurinn hefur núll fyrir hverja nál sem á að prjóna lykkju.

Formerki	Upphafspunktur		Munstur					
-	0	5	0	0	1	1	0	0

Tafla 1: Sýnidæmi um löglegan munsturs sreng í serial samskiptum.

Formerkið gefur til kynna hvort megin við miðju nálarbeðsins munstrið á að byrja og upphafspunkturinn er númer nálar sem munstrið byrjar frá. Munstrið er alltaf skrifað frá vinstri til hægri.

2. Tölvan sem keyrir stýringuna


Á vélinni þarf að vera uppset Node.js 20+, tenging með usb tengi við *Arduino* örtölvuna.

- Stýringin sér um að geyma öll fylkin í heild sinni og matreiðir þá til *Arduino* örtölvunar á réttu formi.

- Stýringin er alltaf að bíða eftir skilaboðum frá *Arduino* örtölvunni. Þegar hún fær streng frá örtölvunni yfir serial samskipti athugar hún fyrst hvort það sé munstur að bíða eftir því að fara í vinnslu. Ef svo er þá er sía sem athugar ýmislegt en megin atriðið er hvort að næsta lína úr fylkinu sé oddatala eða ekki.
 - (a) L sækir einungis næstu línu úr fylkinu ef númerlínunar er slétt. Sléttar tölur eru stilltar frá vinstri til hægri, hækkandi númer nála á nálarbeði. Þær eru síðan prjónar í öfuga átt.
 - (b) R sækir einungis næstu línu úr fylkinu ef númerlínunar er oddatala. Stilling og prjónun er í öfuga átt við L.
- Þegar munstur er senda á stýringuna er annað hvort:
 - (a) Ekkert munstur í bið. Munstrið sett í minni og í vinnslu umleið.
 - (b) Munstur í vinnslu/bið og þá er nýja munstrinn bætt aftast í röðina.
- Stýringin hefur stjórnenda vefviðmót sem gefur notanda stýringar möguleika, eyða út munstrum, breyta upphafsnál o.s.frv. ásamt grafík sem sýnir núverandi stöðu vélarinar. Þar er hægt að sjá hvaða munstur er verið að stilla, hvað var stillt og hvað verður stillt næst.
- Stýringin tekur við munstrum í gegnum netbeiðnir, þær þurfa að innihalda upphafspunkt og munstursfylki. Munstursfylkin geta innihaldið tölugildi frá 0 til 4, eitt gildi fyrir hvern lit. Stýringin sér um að þýða fylkið og breytir öllum núllum í einn og öllum gildum í 0. Þá eru það gildin sem eru prjónuð.
- Bætt var við stýringar möguleika sem sækir munstur úr gagnagrunni ef ekkert munstur er í vinnslu eða bið.
- **Opið vefviðmót** tekur við texta beiðnum frá notendum. Notfærir sér netsamskipti til að búa til mynd úr textanum með hjálp gervigreindar. Þá er bakgrunninn staðlaður. Myndin er síðan breytt í munstursfylki og vistað í gagnagrunni.

6.2.2 Stýring á mótor

Passap vélarnar fóru í gegnum miklar framfarir á þeim tíma sem þær voru í framleiðslu. Upphaflega þurfti notandinn að stilla munstrinn sjálfur og færa sleðann. Snemma var komin lausn með mótor og einföldum breytingum á munstri með seglum. Mótorarnir breytust einnig og voru fyrstu stýrðir með fótapedölum. Síðan kom takkastýring sem bauð notendum á að stýra mótornum á þægilegri máta. Þetta hélt áfram lengi þar til *Passap E6000* kom út með stjórnborðið sem gat gert allskyns munstur með hjálp innbyggðrar *Form* tölvu. Hann hinsvegar tók yfir stjórn á tökkunum og þurfti í þeirri útfærslu að hafa stjórnborðið tengt og kveikt til að geta ýtt á takkanna. Þegar vélin var tekin í sundur kom í ljós að rafrásirnar af eldri útgáfunum eru enn til staðar og hægt er að tengja framhjá stjórnborðinu. Þá eru takkarnir aftur starfhæfir án stjórnborðsins. Kostir takkastýringarinar er að hún er skýr, einföld og notandi upplifir meiri stjórn á ferlinu.



Mynd 12: Rafrás sem tengir *Arduino* við 7407N kubb sem tengist svo við 6pinna rj12 tengi til að stýra mótor.

Til að stýra mótornum með *Arduino* örtölvu er hægt að nota 7407N kubb í einfaldri rafrás sem tengir pinna frá örtölvunni við stýri pinna á 7407N og pinanna sem er stjórnað við rafrásir hvers takka. Takkarnir virka þannig að þeir eru alltaf með 5V straum á *high* og þegar hann er tengdur í *ground* er takkurinn virkur. 7407N hermir eftir því. Það er pláss fyrir skipanir í *Arduino* kóðanum á strengjaformi sem hafa 3 stafi eða færri. Útfærsla á rafrás er hægt að sjá á mynd 12. Á myndinni af rafrásinni eru grænu jaðarpunktarnir til vinstri og hægri tenging við *Arduino* örtölvuna sem sendir skilaboð á kubbinn. Kubburinn eru 14 samhverfu grænupunktarnir um miðjuna. Þeir taka við skipunum frá pinnum *Arduino* örtölvunar á formi lágsstraums og þá er pinninn sem er fyrir neðan á myndinni tengdur í jörd (GRND). Þeir pinnar eru tengidr við rafrásir sem fara í 6 pinna rj12 tengi. Tengið sem er tengd út er til hægri við kubbinn. Þaðan eru send skilaboðin til mótorstýringarinnar. Vinstra megin við kubbinn er annað tengi sem er hægt að tengja við takkaborðið og þá helst virkni takkanna með viðbætri stýringu í gegnum *Arduino* örtölvuna. Í kóða er nú þegar skipunin s notuð til að slökkva og kveikja á mótor.

6.2.3 Kóði

Fyrir kerfið sem er á mynd 11 voru gerð tvö repo sem eru í hýsingu hjá github. Þar er hægt að lesa og sækja allan kóðan sem er notaður til að stýra vélinni.

1. Stýringin: <https://github.com/HiDefTextiles/passAPI>

- Þar er uppsett Node.js umhverfi í bæði typescript og javascript. Það þarf því að hafa Node.js 20+. Allir pakkarnir eru sóttir með skipuninni `npm install` og síðan er það keyrt með `npm run dev`. Ef það er ekki fundinn opin serial tenging við *Arduino* þá ræsist ekki stýringin.
- Inniheldur einnig kóðan fyrir *Arduino* örtölvuna sem tekur við skipunum í gegnum serial samskipti og sendir út annaðhvort strenginn R eða L eftir tilvikum.

Inniheldur kóðan fyrir *Arduino* örtölvuna sem tekur við skipunum í gegnum serial samskipti og sendir út annaðhvort strenginn R eða L eftir tilvikum.

HelgaDef PASSAP-API

tenging virk
 api
 Búa til munstrur
 Streymna munstrum

nr	-10	-9	-8	-7	-6	-5	-4	msg
1	1	0	1	0	1	0	1	
2	0	1	0	1	0	1	0	
3	1	0	1	0	1	0	1	
4	1	1	1	1	1	1	1	
5	0							
6	1	1	1	1	1	1	1	
7	1	1	1	1	1	1	1	

Linu númer: 4/10 Búnar
Numer linu

5

Fjöldi munstra: 1

Start:Byrjunarnál Sækja streymi úr gagnagrunni

Mynd 13: Stjórnanda vefviðmót stýringarinnar.

Hí textill
Nettengdar prjóna vélar
[um okkur](#)

nafn

message

Senda

Mynd 14: Vefviðmótið sem tekur við beiðnum notenda fyrir hugmyndir að munstrum.

2. Opið vefviðmót: <https://github.com/tungufoss/passapnext>

Petta er uppsetning á vefsíðu með bakenda og framenda sem tekur við teksta og býr til mynda munstur útfrá teksta skilaboð sem eru vistuð í gagnagrunninn. Til að keyra það þarf að hafa eftirfarandi breytur í keyrslu umhverfinu.

- (a) DATABASE_URL=*Hlekkur fyrir samskipti við postgresSQL gagnagrunn*
- (b) YOUR_ORG_ID=*fengið frá openai API*.
- (c) PROJECT_ID=*fengið frá openai API*.
- (d) OPENAI_API_KEY=*fengið frá openai API*.

6.3 Sjálfvirk mynsturgerð

6.3.1 Mynstur unnin til að senda á vél

Byrjað var á því að skrifa kóða sem tekur fylki af tölu sem táknar mynd sem á að prjóna og kemur því yfir á rétt form til að senda á prjónavélina. Litirnir geta verið í mesta lagi fjórir og inniheldur hvert munstur sem sent er á vélina þar með heiltölurnar 1, 2, 3 og 4 eftir því með hve mörgum litum á að prjóna. Sérhver 1 í munstrinu táknar eina lykkju sem á að prjóna með lit eitt, 2 táknar lykkjur sem prjóna á með lit t o.s.frv. Talan 0 táknar óprjónaðar lykkjur.

```

11111
11111
00000
00000
00000
00000
00000
11011
11011
00200
00200
00000
00000
11111 10001
11211 10001
12321 02020
11211 02020
11111 00300
00300
11011
11011
00200
00200
00000
00000
11111
11111
00000
00000
00000
00000

```

Mynd 15: Til hægri má sjá einfalt prjónamunstur í þremur litum þar sem hver heiltala táknað eina lykkju í ákveðnum lit. Til vinstri hvernig sama munstur lítur út áður en það er sent á vélina.

Vélin prjónar með aðeins einum lit í einu og prjónar tvær umferðir áður en skipt er um lit. Ef prjónað er með fjórum litum tekur því hver lína í munstur fylkinu átta umferðir í vélinni. Skrifað var fall sem tekur inn fylki af tölu og aðskilur tölurnar í mismunandi lista þar sem fyllt er upp í með nállum og þ.a. hver listi kemur tvisvar sinnum fyrir (þar sem í fyrst fer sleðinn frá hægri til vinstri og svo fer sleðinn vinstri til hægri).

Dæmi: Ef gefið er eins línu munstrið

$$[1, 2, 2, 3, 4]$$

skilar fallið lista af listum:

$$\left[\begin{array}{c} [1, 0, 0, 0, 0], [1, 0, 0, 0, 0], \\ [0, 2, 2, 0, 0], [0, 2, 2, 0, 0], \\ [0, 0, 0, 3, 0], [0, 0, 0, 3, 0], \\ [0, 0, 0, 0, 4], [0, 0, 0, 0, 4] \end{array} \right]$$


Á mynd 15 má sjá hvernig einfaldri mynd er lýst með fylki af tölu og svo hvernig prjónamunstrið sem sent er á vélina lítur út ef prjóna á myndina.

6.3.2 Íslenska Sjónabókin nýtt í mynsturgerð

Íslenska Sjónabókin inniheldur útsaums munstur úr þeim sjónabókum sem varðveist hafa á Íslandi. Með *Íslensku Sjónabókinni* fylgir geisladiskur með öllum þeim síðum af munstrum sem í henni eru. Skrárnar eru ýmist á .pdf eða .eps formi og henta illa til að vinna með í tölvu. Til að nýta munstrin og senda þau á prjónavélina þurfti að koma þeim á annað og betra stafrænt form. Langflest munstrin í bókinni eru í tveimur litum þ.e. kross og ekki kross og því var einskorðað á þau í þessum hluta verkefnisins.

Skrifaður var kóði sem settur var á GitHub² þ.a. hver sem getur sótt kóðann og notað mynstrin á handhaegara formi. Kóðinn virkar þannig að hver .eps skrá er sótt og sett í

²Kóðinn og mynstrin má finna á <https://github.com/HiDefTextiles/Sjonabok>.



Mynd 16: Til hægri má sjá munstur úr *Íslensku Sjónabókinni* í .eps skrá. Til vinstri hvernig sama munstur lítur út eftir vinnslu á .png formi.

grátóna fylki í Python. Fylkinu er svo skipt í núll og einn þannig að hver pixill sem er yfir ákveðinn þröskuld af dökkum gráum er láttinn vera svartur (1) og restin er sett sem hvítur(0). Síðan eru rúðustrikuðu línurnar fundnar og innan hvers reits ef hlutfall svartra pixla er yfir 0.5 er litið á sem svo að kross sé inni í reitinum. Þessum upplýsingum er svo safnað saman í nýtt fylki þar sem 1 stendur fyrir kross og 0 engan kross. Öllu auka plássi fyrir utan munstrið er síðan hent og fylkið vistað á tveimur skráarsniðum, texta sniði og .png sniði. Texta skránum er einfalt að hlaða inn í fylki til að nota síðar og þægilegra er að skoða munstrin á .png sniði. Á mynd 16 má sjá hvernig munstur lítur út eftir vinnslu.

Í sumum skrám er fleira ein eitt munstur að finna. Til að geta nýtt þau þarf að aðskilja þau. Borða er einfalt að aðskilja þar sem þeir aðskiljast alveg einungis lárétt eða lóðrétt. Önnur munstur og stafróf aðskiljast á flóknari máta og var útfærsla af DFS nýtt til að aðskilja þau. Aðskilin munstur eru svo vistuð sér þ.a. ein síða af munstrum fara í sömu möppu. Einnig var skrifaður kóði sem finnur endurtekningar í munstri og geymir þá minnstu endurtekninguna.

Skrifuð voru nokkur föll fyrir munsturgerð í Python footnote Kóða fyrir mynsturgerðina má finna á <https://github.com/snaefi/mynsturgerd..>. Eitt af þeim var fall sem breytir myndum (.jpg eða .png) í prjónamynstur. Fallið tekur inn vísun á myndaskrá, hversu margar lykkjur munstrið á að vera og fjölda lita. Fallið gráskalar myndina, fækkar pixlum í samræmi við fjölda lykkja og notar síðan Floyd-Steinberg reikniritið til að fækka litum [5]. Fallið skilar svo fylki af heiltölum á bilinu 1 til 4 þar sem 1 táknað ljósustu pixlana á grátóna bilinu og hæsta talan þá dekkstu. Sökum þess hvernig Floyd-Steinberg reikniritið virkar að ef bakgrunnur einhverrar myndar er aðeins í einum lit endar hann oft á að innihalda staka pixla í dekkri lit eftir að því er beitt á myndina. Því var skrifað reiknirit sem tekur svoleiðis staka pixla og breytir þeim í sama lit og aðalbakgrunnslitinn. Við gerð þessa reiknirts var *flood fill* reikniritið nýtt [4].

Önnur föll sem nýta sjónabókamunstrin voru einnig skrifuð. Eitt þeirra bætir við borða umhverfis prjónamunstur eftir óskum notendans (mynd 17). Annað gerir kleift að skrifa texta með sjónabókar leturgerðum eins og sjá má á mynd 19. Textinn getur ýmist verið miðjaður eða vinstri jafnaður. Skrifað var fall sem bætir við sjónabókarmunstri sem

bakgrunni við munsturfylki (mynd 18). Það fall nýtir *flood fill* reikniritið [4]. Fallið var útfært þannig að ef mynd er prjónuð og bakgrunnur bættur við hana getur næsta mynd sem er prjónuð einnig haft sama bakgrunn og þannig að bakgrunnarnir renna saman í einn heildstæðan bakgrunn þ.e. ekki sjást skil í bakgrunninum á milli myndanna tveggja.

6.3.3 Ókláruð verkefni

Aðrar aðferðir voru prófaðar fyrir munstur gerð. *Wave Function Collapse* (WFC) reikniritið var sett upp með hnútum sem finna má á mörgum stöðum í *Íslensku Sjónabókinni*. Ákveðið var þessi munsturgerð myndi ekki henta í hönnunarvinnuna að svo stöddu og því var ekki kafað dýpra ofan í WFC en á mynd 20 má sjá útkomu úr reikniritinu. Einnig var byrjað á að þróa aðferð sem litar munstur úr sjónabókinni sjálfvirk í 3 til 4 litum. Sökum tímahraks tókst ekki að klára þá vinnu en var hún komin nokkuð áleiðis og mætti halda áfram með hana síðar.

6.4 Prjón- og hönnunarvinna

Prjón og hönnun var unnin í nánu samstarfi tölvunarfræðinema og fatahönnuðar og lagði mesta áherslu á hugmyndir útfærsla, möguleika í prjóni auk þess að leggja áherslu á framleiðslu á vélprjóni á *Passap 6000*. Með samstarfinu varð niðurstaðan áhugaverðari og náði betur til hönnuða en ella.

6.4.1 Hlutverk fatahönnuðar

Hlutverk fatahönnuðsins var því að veita fagurfræðilega leiðsögn frá sjónarhorni hönnuða. Afurðin var jafnvægi milli skapandi hönnunar, hagnýtra takmarkana vélarinnar og þess sem hægt var að kóða á þessum skamma tíma.

Par sem möguleikar uppfærðrar prjónavélar voru óljósir við upphaf verkefnisins var erfitt að sjá fyrir lokaútkomu í hönnun. Því var hönnunarferlið sífellt á breytingu en lagði áherslu á möguleikana í stað þess að einblína á loka útkomu hönnunar.

6.4.2 Hönnunarhugsun

Hönnuður styður sig við hugmyndir hönnunar hugsunar (e. *Design Thinking*) sem gjarnan er kennd við hönnunardeild Stanford háskóla í Kaliforníu [3]. Þau skilgreina 5 stig hönnunar:

1. **Samkennd** (e. *Empathize*): hvers vegna er hönnunin mikilvæg,
2. **Þarfir** (e. *Define*): þarfir afmarkaðar,
3. **Hugmyndir** (e. *Ideate*): ýmsar aðferðir skoðaðar,
4. **Frumgerð** (e. *Prototype*): hugmyndir afmarkaðar og að lokum
5. **Prófun** (e. *Test*) en þar eru hugmyndir kynntar til þess að fá viðbrögð frá ólíkum aðilum.

Hönnuður náði 4 stigum hönnunar enn sem komið er en næsta og jafnframt afurð síðasta stigsins verður kynnt á Hönnunarmars.




Mynd 17: Borða úr *Íslensku Sjónabókinni* bætt við í kringum prjónamynstur. Prjónamynstrið er í 4 litum og kemur frá ljósmynd af baldursbrám.



Mynd 18: Prjónamynstur af Ragnheiði Jónsdóttur með mynstur úr *Sjónabók* sem bakgrunn.

HALLÓ HEIMUR

Mynd 19: *Halló heimur* prjónamynstur skrifað með letri úr *Sjónabók*.



Mynd 20: *Wave Function Collapse* reikniritið notað til að búa til prjónamunstur. Hnúturinn í munstrinu finnst á mörgum stöðum í *Íslensku Sjónabókinni* en dæmi um hann er á mynd 16.

6.4.3 Prjón með mörgum litum

Prufað var að prjóna með tveimur litum og kóðinn nýttur til þess að senda á prjónavélina texta eða mynstur í tveimur litum, sjá myndir [22-24](#) af fyrstu prufum sumarsins. Með uppfærslu var hægt að prjóna með þremur litum og að lokum fjórum. Útkomurnar urðu sífellt áhugaverðari og flóknari.

Misvel gekk þó að prjóna og í byrjun áttum við erfitt með að prjóna með 4 litunum. Þá voru prjónaðar 8 umferðir á aftara borðinu fyrir hverja eina umferð á því fremra. Petta olli miklum vandræðum en með breyttu prjóni, sem aðeins prjónar aðra hverja lykkju að aftan gekk betur að nota alla fjóra litina. Þá voru prjónaðar 4 umferðir að aftan fyrir hverja eina að framan.

6.4.4 Áskoranir og betrumbætur í prjóni

Stöðugt var verið að betrumbæta kóðana sem auðveldaði fyrir okkur prjónið. Margar prufurnar voru prjónaðir með handaflí en þegar líða fór á sumarið tók mótorinn loksins við. Ýmis mannleg mistök áttu sér stað og gleymist reglulega að passa að setja strekkjarana aftur á þegar búið var að laga það sem laga þurfti. Petta olli því að garnið komst illa á nálarnar sem verður til þess að sleðinn festist. Einnig kom fyrir að sleðinn náði ekki að grípa í næsta lit og prjónaði því garnlaus, þar með er prjónið fellt af. Þá þurfti annað hvort að byrja að prjóna upp á nýtt eða hengja lykkjurnar aftur á, en sem betur fer kom þetta ekki oft fyrir.

6.4.5 Ferlið sem lærdómstól

Ferlið í heild sinni var mjög persónulegt þar sem hver og ein prufa var mikilvægur partur og gaf okkur upplýsingar um hönnunina, kóðann og prjónið. Mistökin kenndu okkur og færðu okkur nær þeim möguleikum sem við getum náð fram í dag. Prufurnar stýrðu því hönnunarferlinu að miklu leiti og notaði hönnuður hönnunarmál sitt til þess að túlka prufurnar í mögulegum lokaútkomum.

6.4.6 Sjálfbærar lausnir og framtíðarfatnaður

Þessi hönnun kemur til með að vera undirstaða fatnaðar sem verður gerður fyrir Hönnunarmas næsta vor. Hannaðar voru flíkur sem nýta þær prufur sem nú þegar hafa verið prjónaðar. Leitað var sjálfbærra lausna og lagt áherslu á að gera persónulega og einstaka hönnun sem eykur verðmætagildi hönnunarinnar. Útfærslur af fatnaði má sjá á mynd [21](#).

6.4.7 Menningararfur og tenging við fortíðina


Ragnheiður „yngri“ Jónsdóttir sem margir kannast eflaust við af 5.000kr seðlinum var mikil handverkskona og safnaði í sjónabók sem notuð var í mynstur í fyrsta kafla *Sjónabókar* og er hún því áhrifamikil í menningararfí okkar Íslendinga. Á Þjóðminjasafni Íslands heillaðist hönnuður af henni og hennar mynstrum og ákváðum við því að heiðra framlag hennar með því að prjóna mynd af henni. Þessi prufa var byltingarkennd í ferlinu og má sjá mynd af henni, 50 lykkjur á breidd og aðra, 120 lykkjur á breidd á mynd [25](#). Í framhaldinu fórum við að blanda saman myndum og mynstrum og þannig tengja menningararf okkar inn í nútíma hönnun með því að blanda nútíð og fortíð saman. Hallgrímskirkja var ein þeirra eins og má sjá á mynd [26](#). Náin samvinna tölvunarfræðinema og hönnuðar var lykilatriði í framvindu verkefnisins og býður upp á marga ókannaða möguleika.




Mynd 21: Nokkrar útfærslur á fatnaði út frá prjónaprufum sumarsins.

Heimildir


- [1] 2013 One Show - Design Award to KnitterStream. Sótt 21. ágúst 2024. 2013. URL: <https://www.oneclub.org/awards/theoneshow/-award/19603/knitterstream>.
- [2] Backspace. Passap pfaff e6000. Sótt 21. ágúst 2024. Bamberg, Þýskaland. URL: https://www.hackerspace-bamberg.de/Passap_pfaff_e6000.
- [3] Tim Brown og Barry Katz. „Change by design“. Í: *Journal of product innovation management* 28.3 (2011), bls. 381–383.
- [4] S.V. Burtsev og Ye.P. Kuzmin. „An efficient flood-filling algorithm“. Í: *Computers & Graphics* 17.5 (1993), bls. 549–561. ISSN: 0097-8493. DOI: [https://doi.org/10.1016/0097-8493\(93\)90006-U](https://doi.org/10.1016/0097-8493(93)90006-U). URL: <https://www.sciencedirect.com/science/article/pii/009784939390006U>.
- [5] R. W. Floyd og L. Steinberg. „An adaptive algorithm for spatial grey scale“. Í: *Proceedings of the Society of Information Display* 17 (1976), bls. 75–77.
- [6] Valgerður Laufey Guðmundsdóttir. „Sjálfvirknivædd prjónavél í bígerð“. Í: *Morgunblaðið* (jún. 2024). Birt: 2024-06-02. URL: https://www.mbl.is/frettir/innlent/2024/06/02/sjalfvirknivaedd_prjonavel_i_bigerd/.
- [7] Listaháskóli Íslands Heimilisiðnaðarfélagið Þjóðminjasafn Íslands. *Íslensk Sjónabók – Ornaments and Patterns Found in Iceland*. Reykjavík: Heimilisiðnaðarfélag Íslands, 2009.
- [8] Kniterate. Sótt 21. ágúst 2024. URL: <https://www.kniterate.com/about/>.
- [9] Irene Wolf. Passap E6000 Rebuild and Replaced Console. Sótt 21. ágúst 2024. URL: <https://hackaday.io/project/163701-passap-e6000-rebuilt-and-replaced-console>.



Mynd 22: Páfugl, bls. 246 í Sjónabók (Pjms. 5898)




Mynd 23: Blóm, bls. 210 í Sjónabók (Pjms. 5898)



Mynd 24: Endurtekið mótip, bls. 268 í Sjónabók (Pjms. 5898)



Mynd 25: Ragnheiður „yngri” Jónsdóttir: 50 lykkjur á breidd (til vinstri) og 120 lykkjur á breidd (til hægri).



Mynd 26: Hallgrímskirkja

A Undirskriftir

Nemendur:

Elías Lúðvíksson

Guðrún Ísafold Hilmarsdóttir

Snæfríður Ebba Ásgeirsdóttir

Ábyrgðaraðili:

Helga Ingimundardóttir